

FONDACIJA CURE

VIJESTI

Treće izdanje
Juli– Septembar 2025.

Dragi/e prijatelji/ce, saradnici/e i podržavatelji/ce,

S radošću vam donosimo najnovije informacije o našem radu i zajedničkim iskoracima. U proteklom periodu, od jula do septembra 2025. godine, nastavile smo provoditi aktivnosti usmjerene na unaprjeđenje položaja žena i izgradnju ravnopravnijeg društva kroz raznovrsne programe, kampanje i saradnje.

Ovaj kvartal obilježen je i održavanjem 20. jubilarnog PitchWise festivala koji je još jednom potvrdio važnost umjetnosti, kreativnog izraza i solidarne feminističke zajednice u borbi za društvene promjene.

Iza nas su mjeseci ispunjeni predanim radom, zajedništvom i snažnim porukama koje zajednički oblikujemo.

Hvala vam što ste uz nas – vaša podrška nam daje snagu da nastavimo dalje.

Tim Fondacije CURE



Implementirane aktivnosti (juli – septembar 2025.)

Feministička perspektiva brige o sebi i zajednici koja te okružuje

U fokusu naših aktivnosti u ovom periodu bila je feministička briga kao pristup koji povezuje ličnu dobrobit sa zajedničkom odgovornošću i podrškom. Edukacije,

susreti i radionice doprinijeli su osnaživanju žena i djevojaka te jačanju mreže solidarnosti.

Kultura sjećanja i tranziciona pravda

Tokom jula Fondacija CURE učestvovala je u aktivnostima posvećenim kulturi sjećanja, tranzicionoj pravdi i očuvanju istine o genocidu u Srebrenici.

Učestvovala smo na **Međunarodnoj konferenciji „Srebrenica 2025–1995.: Suočavanje s prošlošću“**, koja je okupila predstavnike međunarodnih institucija, akademske zajednice, organizacija civilnog društva i diplomatskog kora. Konferencija je istaknula važnost suočavanja s prošlošću kao temelja za izgradnju pravednije budućnosti.

Prisustvovala smo **Međunarodnoj konferenciji „Naša priča, naše obećanje“**, održanoj u Potočarima, gdje su svoje priče još jednom podijelile Majke Srebrenice, podsjećajući na borbu za istinu, proces ekshumacija i uspostavu Memorijalnog centra Potočari. Ova konferencija dodatno je povezala lokalne i međunarodne napore u očuvanju sjećanja i obrazovanju novih generacija o važnosti istine i solidarnosti.

Tradicionalno, **9. jula** pružile smo podršku učesnicama i učesnicima **Marša mira**. Zajedno s članicama Udruženja žena povratnica „**JADAR**“ i organizacijom „**IMECE**“ iz Turske dijelile smo hranu i osvježanje učesnicama i učesnicima na lokalitetu Mravinjac – u duhu solidarnosti i poštovanja prema preživjelim. Naš čin zajedničke podrške simbolično povezuje žene i mirovne aktivistkinje širom svijeta u borbi za istinu i pravdu.

11. jula, tokom komemoracije u Memorijalnom centru Srebrenica, odale smo počast svim žrtvama genocida i prisjetile se snage preživjelih žena koje svojim svjedočenjem i upornošću čuvaju sjećanje od zaborava. Njihovi glasovi podsjećaju nas na važnost solidarnosti i trajne borbe protiv poricanja i mržnje.

U istom duhu solidarnosti, **21. augusta** zajedno s **Nihadom Suljićem i Udruženjem „Djeluj.ba“** u Bratuncu i Loznici odale smo počast **dvanaest izbjeglica iz Egipta, Iraka i Sirije** koje su 2024. godine izgubile život pokušavajući preći rijeku Drinu. Obilježavanje ove tužne godišnjice bilo je podsjetnik na univerzalnu borbu za sigurnost, dostojanstvo i pravo na život, ali i čin podrške svim osobama koje traže sigurnu luku u Bosni i Hercegovini.

Ovu inicijativu obilježile smo zajedno sa sjajnim aktivistkinjama i aktivistima malih lokalnih zajednica, kao i spasiocima iz vatrogasnih društava, Crvenog križa i medicinskih ustanova koji svakodnevno čine iznimno hrabra djela.

Solidarno – u znak sjećanja, humanosti i zajedničke odgovornosti.



Potočari, 11.7.2025.



Potočari, 11.7.2025.



Bratunac/Loznica, 21.8.2025.



Bratunac/Loznica, 21.8.2025.

Seminar „Zajedno za mir“: Žene koje grade održive zajednice

Od **22. do 24. augusta** Fondacija CURE organizovala je seminar „**Zajedno za mir**“, namijenjen aktivisticama iz ženskih organizacija civilnog društva. Seminar je okupio **25 žena iz različitih dijelova Bosne i Hercegovine** s ciljem osnaživanja kroz feministički pristup mirovnim politikama, razmjenu znanja i iskustava te zajedničko promišljanje o održivim lokalnim inicijativama.

Posebna pažnja posvećena je temama **ličnog osnaživanja i brige o sebi**. Ove aktivnosti omogućile su učesnicama da se povežu sa sobom i drugim ženama, ojačaju svoje kapacitete te razmijene alate, metode i kontakte za buduća djelovanja u lokalnim zajednicama.

Seminar je pokazao da **solidarnost i generacijski prijenos znanja i iskustava** imaju ključnu ulogu u izgradnji održivog mira – jer žene različitih generacija zajedno promišljaju o načinima jačanja otpornosti i održivosti svojih zajednica.

Trodnevni rad završio je **zajedničkim razgovorima i mapiranjem potreba** u lokalnim sredinama, kroz koje su učesnice prepoznale ključne teme i prostore za buduće feminističke akcije koje doprinose kvalitetnijem životu žena.

Kao prioriteti su se izdvojile **teme zdravlja žena i dostupnost psihološke podrške** u zajednicama.



Ilidža / Sarajevo 24.-26-09-2025.



Ilidža / Sarajevo 24.-26-09-2025.

Odgovor zajednice na rodno zasnovano nasilje

Na **Bjelašnici** je od **21. do 23. jula 2025.** godine održana trodnevna radionica pod nazivom „**Mir počinje u meni: Prevencija burnouta za one koje stvaraju promjene**“, namijenjena učesnicama **Ženskog mirovnog kampa**.

Radionica je okupila **17 učesnica iz različitih dijelova Bosne i Hercegovine**, a program je bio fokusiran na očuvanje unutrašnjeg mira, emocionalnu regeneraciju i međusobnu razmjenu iskustava među mladim aktivistkinjama.

Fondacija CURE u periodu od 01.08.2025. do 31.03.2026. realizuje projekat „Jačanje otpornosti feminističke i LGBT*IQ zajednice na antirodni pokret u Bosni i Hercegovini“ koji finansijski podržavaju Fondacija Kvinna till Kvinna i UK International Development, u okviru kojeg se fokusiramo na jačanje otpornosti

i kapaciteta feminističkih, LGBT*IQ i ženskih organizacija kroz niz međusobno povezanih aktivnosti. Projekat objedinjuje istraživački, edukativni i zagovarački pristup s ciljem stvaranja sigurnijih, povezanih i otpornijih zajednica.

Istraživanje fragmentacije feminističkog pokreta u Bosni i Hercegovini

U okviru kontinuiranih aktivnosti Fondacije CURE usmjerenih na jačanje ženskih organizacija, podršku aktivizmu i razvoj ekonomskih kapaciteta žena, tokom jula održano je više važnih sastanaka, edukacija i radionica.

Od 3. do 5. jula na Zlaći je održan sastanak Koordinacionog odbora **Ženske mreže Bosne i Hercegovine** na kojem su prisustvovali/e i predstavnici/e **Tuzlanskog otvorenog centra i Mreže 4P**. Tokom sastanka razgovarale smo

o metodologiji rada **Ženske mreže BiH**, s posebnim naglaskom na pružanje podrške lokalnoj zajednici i društveno marginaliziranim skupinama.

U periodu od 21. do 23. jula bile smo dio programa „**Mir počinje u meni: Prevencija burnouta za one koje stvaraju promjene**“, posvećenog očuvanju mentalnog zdravlja i dobrobiti aktivistkinja.

Korak po korak do tvoje ekonomske slobode - žene širom Bosne i Hercegovine jačaju ekonomsku slobodu

Fondacija CURE, u saradnji s doc. dr. Farukom Hadžićem, u proteklom periodu je realizovala seriju radionica „**Korak po korak do tvoje ekonomske slobode**“, posvećenih ekonomskom osnaživanju žena i razvoju njihovih potencijala. Radionice su održane u Tuzli, Konjicu, Velikoj Kladuši, Bosanskoj Krupi, Mostaru i Bugojnu, okupljajući žene koje žele napraviti svoj prvi korak ka ekonomskoj slobodi.


„Ideja je da radimo na osnaživanju žena. Dakle, iako je ona strukturirana za nezaposlene žene, ona je napisana i urađena i pripremljena ne samo za nezaposlene žene, već generalno za

žene u svakom segmentu posla, društva, bilo kojoj aktivnosti – kako se osnažiti, ohrabriti, kako izbjeći neke strahove, izaći iz zamke koje svi na neki način imamo i kako napraviti prvi korak prema svojoj slobodi“, izjavio je doc. dr. Faruk Hadžić nakon održane radionice u Mostaru. Kroz interaktivni pristup, učesnice su učile o **planiranju karijere, emocionalnoj pripremi, motivaciji, radnim pravima i digitalnim prilikama**.

Fondacija CURE kroz ove aktivnosti jača kulturu solidarnosti, inkluzivnosti i ravnopravnosti, te stvara prostore u kojima žene mogu slobodno učiti, dijeliti iskustva i razvijati svoje potencijale.



Mostar, 21.08.2025



Mostar, 21.08.2025

PARTNERSTVA

Početkom augusta Fondacija CURE prisustvovala je drugom sastanku projektnog odbora Inicijative „**Mir sa ženskim licem**“ u organizaciji Fondacije LARA Bijeljina.

Poseban trenutak obilježio je **svečani čin otvaranja murala posvećenog ženama na gradskom trgu u Bijeljini** – simbola ženske snage, vidljivosti i doprinosa društvenim promjenama



Bijeljina, 4.8.2025.



Bijeljina, 4.8.2025.

28. juli

Povodom sedmice akcije koju je provodilo udruženje **Humanity in Action Bosna i Hercegovina**, pet stipendistkinja i stipendista iz različitih dijelova svijeta posjetilo je Fondaciju CURE kako bi razgovarali o vezama, razvoju i tranziciji političke i društvene propagande od socijalističkog perioda do danas.

Tokom sastanka razgovaralo se i o historijsko-ideološkom razvoju ženskog pokreta u Bosni i Hercegovini, učešću i nedovoljnoj zastupljenosti žena tokom izbornih procesa. Članice tima Fondacije CURE predstavile su dio svojih aktivnosti i terenskog rada, te dale preporuke za dalje historijsko istraživanje kojim ova grupa planira da se bavi.

31. august

Tim **KWAK** nas je iskreno obradovao svojom solidarnošću i entuzijazmom. Dvojac iz Tima – **Filip Schlosser**, IT stručnjak i pilot, te **Adrien Vernimmen**, belgijski diplomata – krenuli su iz Praga na putovanje kroz Balkan kako bi

istražili regiju i dali svoj doprinos rodnoj ravnopravnosti u Bosni i Hercegovini. Svoje putovanje spojili su s humanitarnim ciljem i prikupili donacije koje su uručili Fondaciji CURE kao podršku našem radu i zalaganju za ravnopravno društvo.

Lea Kerst - posjeta Fondaciji CURE

Tokom ljetnih mjeseci Fondacija CURE ugostila je **Leu Kerst**, studenticu postdiplomskog studija Međunarodni odnosi u historijskoj perspektivi na Univerzitetu u Utrechtu. Bilo nam je zadovoljstvo pružiti Lei prostor i podršku za njen istraživački rad, kao i priliku da prisustvuje različitim seminarima,

konferencijama i studijskim posjetama. Kroz svoj angažman u Fondaciji CURE Lea se povezala s brojnim predstavnicama i predstavnicima domaće i međunarodne civilne scene u BiH, čime je dodatno produbila svoje razumijevanje društveno-političkog konteksta zemlje.



Sarajevo, 28.7.2025.



Sarajevo, 31.8.2025.

ONLINE KAMPANJE

U julu je završena kampanja u kojoj je Fondacija CURE bila partnerska organizacija **Centru ženskih prava iz Zenice**, a koja je bila posvećena pretekama i problemima s kojima se suočavaju žene koje prolaze kroz proces **posredovanja prilikom razvoda braka u Federaciji BiH**. Tokom kampanje smo promovirale potpisivanje **Peticije za besplatno i dostupno posredovanje u Federaciji BiH**. Podsjećamo – nasilje i dalje nije prepoznato kao razlog da se posredovanje izostavi, zbog čega su neophodne hitne izmjene Porodičnog zakona FBiH, ukidanje naplate posredovanja u svim kantonima FBiH, uvođenje obaveze dostupnosti usluge u svakoj općini. **Pravo na sigurnost mora biti jednako dostupno svima.**

U saradnji sa Fondacijom LARA, realizovale smo kampanju „**Njeno ime zasluđuje ulicu**“ – kroz seriju od šest kratkih videa u kojim su poznate osobe iz javnog života predstavile po jednu ženu iz BiH koja je zaslužila da neka od ustanova ili ulica nosi njeno ime. U videima su prikazane **žene koje već imaju svoju ulicu ili mural**, one koje su ih **nekada imale**, kao i one koje **Sarajevo još uvijek nije dovoljno prepoznalo**. Pozivamo vas da pogledate ove inspirativne video priče na našim društvenim mrežama i da zajedno s nama istražujete bogatu žensku historiju Bosne i Hercegovine.



Sarajevo, 13.9.2025.

ANGAŽMAN FONDACIJE CURE KROZ JAVNE DOGAĐAJE I SARADNJE

Međunarodne konferencije i događaji

U periodu od jula do septembra Fondacija CURE aktivno je učestvovala na brojnim međunarodnim događajima, konferencijama i forumima, šireći poruke feminističke solidarnosti, kolektivnog djelovanja i brige o zajednici.

U Mostaru smo, u saradnji sa **Koledžom Ujedinjenog svijeta – Summer Youth Program**, održale interaktivnu radionicu o rodno zasnovanom nasilju. Bilo je sjajno razgovarati sa mladim osobama o uzrocima rodno zasnovanog nasilja, ali prije svega iskazati solidarnost i podijeliti odgovarajuće informacije o referalnim mehanizmima zaštite.

Krajem jula učestvovala smo u **retreat programu „Klara i Rosa“ u Subotici**, podržavajući neformalnu mrežu žena iz Rumunije, Grčke, Sjeverne Makedonije, Crne Gore, Albanije i Srbije. Tokom trodnevne radionice radile smo na **izgradnji kapaciteta, međusobnom povezivanju i jačanju solidarnosti**, potvrđujući važnost regionalne saradnje u zaštiti ženskih prava.

Zajedno smo **gradile vlastite identitete, dijelile i zatvarale teška iskustva**, te osnaživale povjerenje i zajedništvo koje predstavljaju osnovnu snagu u zaštiti ženskih prava na prostoru Zapadnog Balkana.



Subotica, juli 2025.

U septembru smo prisustvovala **27. WAVE konferenciji „Feminist Solidarity and Collective Action: Reclaiming our Power to End Violence Against Women“** u Bukureštu. Kroz teme grassroots mobilizacije, izgradnje zajednice, feminističke podrške, strateškog savezništva i snalažljivog organiziranja u izazovnim vremenima, **naglasak je stavljen na jačanje zajedničke borbe za pravdu, sigurnost i dostojanstvo svih žena.**

Posebno smo ponosne što je **Fondacija CURE** postala članica **WAVE mreže**, najveće evropske mreže organizacija posvećenih jačanju feminističke solidarnosti i kolektivnog djelovanja s ciljem okončanja nasilja nad ženama i djevojkama.

U septembru je Fondacija Friedrich Ebert obilježila 100 godina postojanja i rada, a predstavnice Fondacije CURE prisustovale su svečanoj ceremoniji održanoj u Evropskoj kući kulture i nacionalnih manjina u Sarajevu.

Tokom istog mjeseca učestvovala smo i na **Civil Society Forumu Berlinskog procesa** koji je okupio liderke i lidere civilnog društva, aktore s terena i nezavisne političke glasove iz cijelog Zapadnog Balkana s ciljem zajedničkog kreiranja preporuka za javne politike i oblikovanje regionalne agende uoči samita Berlinskog procesa. Forum predstavlja ključnu platformu za inkluzivan dijalog o najvažnijim regionalnim prioritetima.



Sarajevo, septembar 2025.



Podgorica, 23.9.2025.



Podgorica, 23.9.2025.

AKTIVIZAM, KULTURA I UMJETNOST

Dana **20. augusta u Sarajevu** prisustvovala smo projekciji filma „**Sanjam ih**“, u produkciji Balkanske istraživačke mreže (BIRN). Film o **Ešefu Dženanoviću**, bivšem logorašu iz Prijedora koji je u ratu izgubio cijelu porodicu, snažno svjedoči o ličnom gubitku, sjećanju i traganju za pravdom.

Od 27. do 29. augusta boravile smo u Mostaru, gdje je, tokom sastanka **umrežavanja partnerskih organizacija Kvinna till Kvinna u BiH**, grad živio

ritmom Street Art Festivala. Tokom tri dana druženja, razgovora i razmjene iskustava, istraživale smo presjek umjetnosti, kulture sjećanja i društvenih pokreta. Susret je bio prilika za jačanje umrežavanja i zajedničko promišljanje o različitim oblicima aktivističkog djelovanja – uz ideju stvaranja alata koji će oživjeti prostore razmjene i otključati potencijal budućeg djelovanja.



Mostar, 28.9.2025.

PROMOCIJA ZNANJA I KNJIŽEVNOSTI

U Goraždu je 9. jula održana je promocija knjige „**Ja sam Alen**“, autobiografskog djela **Alena Muhića**, mladića rođenog iz čina ratnog silovanja.

Knjiga donosi potresno svjedočanstvo o odrastanju, traumi i izuzetnoj snazi kojom je autor prevladao bol, postavši simbol **ljubavi, hrabrosti i ljudskosti**.

Kako je istaknuto na promociji, ovo djelo nije poziv na sažaljenje, već čin otpora i hrabrosti – svjedočanstvo o borbi za **pravo da postojiš, voliš i pripadaš**.



Goražde, 9.7.2025.



Goražde, 9.7.2025.

IZDVAJAMO

Ljetne mjesece posvetile smo intenzivnim pripremama za **20. PitchWise festival ženske umjetnosti i aktivizma**, koji se održao od **11. do 14. septembra** u prostoru Historijskog muzeja Bosne i Hercegovine. Ljeto nam je bilo radno jer smo četiri festivalska dana željele da ispunimo bogatim programom – radionicama o umjetnosti, plesu, feminizmu i društvenim promjenama, razgovorima sa istraživačicama,

teoretičarkama, aktivistkinjama i kulturnim radnicama, izložbom koja će predstaviti dostignuća i kreativnost žena kroz decenije, te kvalitetnim muzičkim nastupima. Trud nam se isplatio – **PitchWise je još jednom pokazao kolektivnu snagu, prijateljstvo, kreativnost i hrabrost žena**.



Pripreme PitchWise, avgust, 2025.



Sarajevo, 14.9.2025

Pod sloganom: „**20 godina smo tu! VIDLJIVE, SNAŽNE, UJEDINJENE*** ka zajedničkom cilju: **stojimo na braniku ostvarenih ženskih prava – NEMA NAZAD!**“, ovogodišnja tema naglasila je važnost očuvanja i unaprjeđenja teško izbornih prava žena i marginalizovanih grupa. Povratak na staro značio bi ukidanje dostignutih sloboda i vraćanje u prošlost u kojoj su djevojčice, djevojke i žene bile lišene osnovnih prava.

Festival je podsjetio da se već dvije decenije vodi borba za rodnu pravdu

i dostojanstven život – na ulici, u umjetnosti, obrazovanju, istraživanjima i drugim javnim prostorima.

Tokom četiri dana Sarajevo je postalo središte feminističkog okupljanja i stvaranja. Dnevni program je okupio oko 400 učesnica i učesnika, dok je večernji sadržaje pratilo oko 1000 osoba, što potvrđuje da **PitchWise i dalje okuplja veliku i raznoliku publiku iz Bosne i Hercegovine, regije i svijeta.**



Sarajevo, 14.9.2025.



Sarajevo, 14.9.2025.

HVALA DONATORKAMA I DONATORIMA!

Fondacija Kvinna till Kvinna (KTK), UK International Development, Global Fund for Women (GFW), Fondacija TRAG / Fondacija OAK, Heart and Hand Fund, Sigrid Rausing Trust, Heinrich Böll Stiftung Sarajevo (HBS), Friedrich-Ebert-Stiftung u Bosni i Hercegovini (FES), Women's World Day of Prayer (WWDP) – German Committee, EuroCentralAsian Lesbian* Community (EL*C)

Fondacija CURE upućuje iskrenu zahvalnost svim prijateljicama i prijateljima iz Bosne i Hercegovine i svijeta na podršci, povjerenju i solidarnosti koju neprestano dijelite s nama. Ta snaga zajedništva nas inspiriše i osnažuje da istrajemo u borbi za ravnopravnost, pravednost i slobodu.

Zajedno gradimo društvo u kojem je feministički glas jasan, snažan i neizostavan.

Hvala što ste dvadeset godina uz nas!

Tim Fondacije CURE: Jadranka, Stela, Denija, Selma, Enida, Lana, Sanda, Jasmina i Lejla



**Uključi se u radionicu.
Dodi na marš.
Podijeli ovu priču.
Podrži rad Fondacije CURE.**

**Tvoje prisustvo, tvoja riječ, tvoja podrška
– znače promjenu.**

PRATITE NAS I PRIKLJUČITE NAM SE!

 +387 33 207 561

 info@fondacijacure.org

 fondacijacure.org

 [fondacijacure](https://www.facebook.com/fondacijacure)

 [@fondacijacure](https://www.instagram.com/fondacijacure)

 [@Fondacija_Cure](https://twitter.com/Fondacija_Cure)

 [Fondacija CURE](https://www.youtube.com/Fondacija_Cure)